

ЛЕГКО ЧИТАЕМ ПО-АРМЯНСКИ

Волшебные армянские сказки.

Уровень 1

Շախարդական հայկական
հեքիաթներ

Адаптация текста, упражнения
и словарь Д. Л. Петросян



Издательство АСТ
Москва

УДК 811.19(075)
ББК 81.2Арм-93
В69

Волшебные армянские сказки. Уровень 1 =
В69 Չափաքրիվային հալվալային հերիարժեք / Адап-
тация текста, упражнения и словарь Д. Л. Пе-
тросян. — Москва : Издательство АСТ, 2026. —
128 с. — (Легко читаем по-армянски)

ISBN 978-5-17-161365-5

Сборник волшебных армянских сказок предлага-
ет читателям возможность познакомиться с богатым
миром армянского фольклора и сделать первые шаги
в изучении армянского языка. В книгу вошли увлека-
тельные сказочные истории, полные мудрости, чудес
и национального колорита, которые помогут погру-
зиться в культуру Армении и сделать обучение увле-
кательным.

Сборник составлен талантливым педагогом Пе-
тросян Джейни Легоновной с учетом потребностей
начинающих изучать армянский язык. В издании
представлены тексты сказок, упражнения и словарь.

УДК 811.19(075)
ББК 81.2Арм-93

ISBN 978-5-17-161365-5 © Петросян Д. Л., 2026
© ООО «Издательство АСТ», 2026

*Автор выражает благодарность
Кошаташян Кристине Варужановне
за помощь в составлении
этого сборника сказок*

ՀՈՎՀԱՆՆԵՍ ԹՈՒՄԱՆՅԱՆ ՔԱԶ ՆԱԶԱՐԸ

1

Լինում է, չի լինում¹ մի խեղճ մարդ, անունը՝ Նազար: Էս Նազարը մի անշնորհք ու ալարկոտ² մարդ է լինում. է՛նքան էլ վախկոտ, է՛նքան էլ վախկոտ, որ մենակ ոտը ոտի առաջ չէր դնիլ³, թեկուզ սպանեիր: Օրը մինչև իրիկուն

¹ Լինում է, չի լինում — был да не был (так начинаются многие сказки)

² ալարկոտ — ленивый

³ որ մենակ ոտը ոտի առաջ չէր դնիլ — что сам ногу за ногу не поставит

կնկա կողքը կտրած՝ նրա հետ դուրս գնալիս դուրս էր գնում, տուն գալիս՝ տուն գալի: Դրա համար էլ անունը դնում են Վախկոտ Նազար:

Էս Վախկոտ Նազարը մի գիշեր կնկա հետ շեմքն է դուրս գալի: Որ շեմքն է դուրս գալի, տեսնում է ճրրքճրրքան լո՛ւս — լուսնյակ գիշեր, ասում է.

— Ա՛յ կնիկ, ի՛նչ քարվան կտրելու գիշեր է՛... Սիրոս ասում է՝ վեր կաց գնա Հնդստանից եկող Շահի քարվանը կտրի, բեր տունը լցրու...

Կնիկը թե՛

— **Ձենդ կտրի, տեղդ նստի**¹, քարվան կտրողիս մտիկ արա...:

Նազարը թե՛

— Անզգա՛մ կնիկ, ինչո՞ւ չես թող անում՝ ես գնամ քարվան կտրեմ, բերեմ տունը լցնեմ: Էլ ի՛նչ տղամարդ եմ ես, էլ ինչո՞ւ եմ գդակ ծածկում, որ դու համարձակվում ես իմ առաջը խոսես:

Որ շատ կովում է, կնիկը տուն է մտնում, դուռը փակում:

— Հո՛ղեմ էդ վախկոտ գլուխդ, դե հիմի գնա քարվան կտրի: Էս Նազարս ւնում է դռանը:

¹ **Ձենդ կտրի, տեղդ նստի** — замолчи и сядь на место

Վախից լեղապատառ է լինում¹: Ինչքան աղաչում — պաղատում է, որ կնիկը դուռը բաց անի, չի լինում, բաց չի անում: Ճարը կտրած՝ գնում է մի պատի տակի կուչ է գալի, դողալով գիշերն անց է կացնում, մինչև լուսը բացվում է: Նազարը խռոված, պատի տակին արևկող արած սպասում է, որ կնիկը գա, տուն տանի, ու միտք է անում: Ամառվա շոգ օր՝ գագազած ճանճեր, ինքն էլ էնքան ալարկոտ, որ ալարում է քիթը սրբի — ճանճերը գալիս են սրա քիթ ու պռունգին վեր գալի, լցվում: Որ շատ նեղացնում են, ձեռը տանում է, երեսին զարկում: Որ երեսին զարկում է, ճանճերը ջարդվում են, առաջին վեր թափում:

— Վա՛հ, էս ինչ էր... — մնում է զարմացած:

Ուզում է համրի, թե մի զարկով քանիսն սպանեց, **չի կարողանում²:** Մտածում է, որ հազարից պակաս չի լինիլ:

— Վա՛հ, — ասում է, — էս էսպես տղամարդ եմ էլել ու մինչև էսօր չեմ իմացե՛լ... Ես, որ մի զարկով կարող եմ հազար շունչ կենդանի

¹ **Վախից լեղապատառ է լինում** — от страха «желчью изливается» (оцепенел)

² **չի կարողանում** — ленивый

ջարդել, էլ ի՞նչ եմ էս անպիտան կնկա կողքին վեր ընկել¹ ...:

Էստեղից վեր է կենում, ուղիղ գնում իրենց գյուղի տերտերի մոտ:

— Տե՛րտեր, օրհնյա ի տեր:

— Աստված օրհնի, որդի՛ս:

— Տե՛րտեր, բա չես ասիլ էսպես — էսպես բան: Պատմում է իր քաջագործությունը ու հետն էլ հայտնում է, որ պետք է իր կնկանից կորչի, միայն խնդրում է՝ իր արածը տերտերը գրի, որ անհայտ չմնա, ամենքն էլ կարդան, իմանան: Տերտերն էլ, կատակի համար, մի փալասի կտորի վրա գրում է.

Անհաղթ հերոս Քաջըն Նազար, Որ մին գարկի՝ ջարդի հազար:

Ու տալիս է իրեն:

Նազարս էս փալասի կտորը մի փետի ծերի ամրացնում է, մի ժանգոտած թրի կտոր կապում մեջքը, իրենց հարևանի իշին նստում ու գյուղից հեռանում:

¹ **էլ ի՞նչ եմ էս անպիտան կնկա կողքին վեր ընկել**
— что сам ногу за ногу не поставит

Իրենց գյուղից դուրս է գալի, մի **ճամփա է ընկնում ու գնում**¹: Ինքն էլ չի իմանում, թե եդ ճամփեն ուր է տանում:

Գնում է, գնում, մին էլ ետ է նայում, տեսնում է՝ գյուղից հեռացել է: Էստեղ սիրտն ահ է ընկնում: Իրեն սիրտ տալու համար սկսում է քթի տակին մոմռալ, երգել, իրեն — իրեն խոսել, **իշի վրա բարկանալ**²: Քանի հեռանում է, էնքան վախը սաստկանում է, քանի վախը սաստկանում է, էնքան ձենը բարձրացնում է, սկսում է գոռգոռալ, հարայ — հրոց անել, հետն էլ մյուս կողմից էջն է սկսում գռալ... Էս աղմուկից ու աղաղակից թռչունները մոտիկ ծառերից են թռչում, նապաստակները թփերից են փախչում, գորտերը կանանչիցն են ջուրը թափում...

Նազարը ձենն ավելի է գլուխը գցում. իսկ որ մտնում է անտառը, թվում է, թե ամեն մի ծառի տակից, ամեն մի թփի միջից, ամեն մի քարի ետևից **որտեղ որ է**³ գազան է հարձակվելու

¹ **ճամփա է ընկնում ու գնում** — в дороге отправляется и уходит

² **իշի վրա բարկանալ** — злиться на осла

³ **որտեղ որ է** — вот-вот, с минуты на минуту

կամ ավագակ, **սարսափած սկսում է գոռոռալ**¹,
ո՞նց գոռոռալ՝ ականջդ ոչ լսի:

Դու մի՛ ասիլ՝ **հենց էս ժամանակ**² մի գլուղացի
ձին քաշելով՝ անտառում միամիտ գալիս է: Էս
զարհուրելի ձենը ականջն է ընկնում թե չէ՝
կանգնում է:

— Վա՛՛յ, — ասում է, — ո՞նց թե, իմն էլ էստեղ
էր հատե՛լ, կա — չկա՝ էս ավագակներ են...

Ձին թողնում է, ընկնում է ճամփի տակի
անտառն ու **երկու ոտն ուներ, երկուսն էլ փոխ է
առնում, փախչում**³:

Բախտդ սիրեմ, Քաջ Նազար. գոռոռալով
գալիս է տեսնում՝ մի թամբած ձի ճամփի
մեջտեղը կանգնած, իրեն է սպասում: Իշիցը
վեր է գալի էս թամբած ձիուն նստում ու
շարունակում իր ճամփեն:

3

Շատ է գնում, քիչ է գնում, շատն ու քիչն
էլ ինքը կիմանար, գնում է ընկնում մի գլուղ,

¹ **սարսափած սկսում է գոռոռալ** — в ужасе на-
чинает кричать

² **հենց էս ժամանակ** — именно в это время

³ **երկու ոտն ուներ, երկուսն էլ փոխ է առնում,
փախչում** — было у него две ноги — ещё две в
долг берёт и убегает.

ինքը՝ գյուղին անձանոթ, գյուղն՝ իրեն: Ո՞ւր գնա, ուր չի գնա: Մի տանից գուռնի ձեն է լսում. ձին քշում է էս ձենի վրա, գնում է ընկնում մի հարսանքատուն:

— Բարի օր ձեզ:

— **Ա՛յ աստծու բարին քեզ. բարով հազար բարի եկար¹:**

Համե՛ցեք, հա, համե՛ցեք. դե դոնսինս աստծունն է. սրան տանում են իր դրոշակով սուփրի վերի ծերին բազմեցնում: Աչքդ էն բարին տեսնի, ինչ որ լցնում են առաջը՝ թե՛ ուտելիք, թե՛ խմելիք:

Հարսանքավորները հետաքրքրվում են իմանան, թե ո՞վ է էս տարօրինակ անձանոթը: Ներքի ծերից մինը բոթում է իր կողքի նստածին ու հարցնում, սա էլ իր կողքի նստածին է բոթում, էսպես հերթով իրար բոթելով ու հարցնելով բանը մնում է վերի ծերին նստած տերտերին: Տերտերը մի կերպով դոնսիսի դրոշակի վրա կարդում է.

Անհաղթ հերոս Բաջրն Նազար, Որ մին գարկի՝ ջարդի հազար:

¹ **Ա՛յ աստծու բարին քեզ. բարով հազար բարի եկար** — добро господа тебе: тысячу раз добро пожаловать

Կարդում է ու զարհուրած հայտնում է իր կողքի նստածին, սա էլ՝ իր կողքի նստածին, սա էլ՝ երրորդին, երրորդը՝ չորրորդին. էսպեսով հասնում է մինչև դռան տակը, ու ամբողջ հարսանքատունը դրմբում է թե՛ բա չես ասիլ, նորեկ դոնախն է ինքը՝

Անհաղթ հերոս Քաջրն Նազար, Որ մին զարկի՝ ջարդի հազար:

— Քաջ Նազարն է, հա՛... — բացականչում է պարծենկոտի մինը, — ի՜նչքան է փոխվել, միանգամից լավ չճանաչեցի...

Եվ մարդիկ են գտնվում, որ պատմում են նրա արած քաջագործությունները, հին ծանոթությունն ու միասին անցկացրած օրերը:

— Հապա ի՜նչպես է, որ էսպես մարդը հետը ոչ մի ծառա չունի, — զարմանքով հարցնում են անծանոթները:

— Էդպես է դրա սովորությունը, ծառաներով ման գալ չի սիրում: Մի անգամ էս հարցրի, ասավ՝ ծառան ինչ եմ անում, ամբողջ աշխարհքն իմ ծառան է ու իմ ծառան: — Հապա ի՜նչպես է, որ մի կարգին թուր չունի, էս ժանգոտ երկաթի կտորն է մեջքին կապել:

— Շնորհքն էլ հենց դրա մեջն է, է՛, որ էս ժանգոտ երկաթի կտորով մին զարկես, ջարդես հազար, թե չէ՝ լավ թրով ի՞նչ կա որ, սովորական քաջերն էլ են ջարդում:

Ու ապշած ժողովուրդը ոտի է կանգնում, **խմում է Քաջ Նազարի կենացը**¹: **Իրենց միջի խելոքն էլ դուրս է գալի**², ճառ է ասում Նազարի առաջ. ասում է՝ մենք վաղուց էինք լսել քո մեծ հռչակը, կարոտ էինք երեսդ տեսնելու և ահա էսօր բախտավոր ենք, որ քեզ տեսնում ենք մեր մեջ: Նազարը հառաչում է ու ձեռքը թափ է տալի: **Ժողովրդականները**³ խորհրդավոր **իրար աչքով են անում**⁴, հասկանում են, թե էդ հառաչանքն ու ձեռքի թափ տալը ինչքան բան կնշանակեր...

Աշուղն էլ, որ էստեղ էր, ձեռաց երգ է հորինում ու երգում:

¹ **խմում է Քաջ Նազարի կենացը** — пьёт тост за Храброго Назара

² **Իրենց միջի խելոքն էլ դուրս է գալի** — из них самый умный выходит

³ **Ժողովրդականները** — народные люди (в фольклоре)

⁴ **իրար աչքով են անում** — друг другу подмигивают

*Բարով եկար, հազար բարի,
Հըզոր արծիվ մեր սարերի,
Թագ ու պարծանք մեր աշխարհի,
Անհաղթ հերոս Բաջրդ Նազար,
Որ մին զարկես՝ ջարդես հազար:*

*Խեղճ տրկարին դու ապավեն,
Ազատ կանես ամեն ցավեն,
Մեզ կրփրկես անիրավեն,
Անհաղթ հերոս Բաջրդ Նազար,
Որ մին զարկես՝ ջարդես հազար:*

*Մատաղ ենք մենք քո դրրոշին,
Մեջքիդ թրրին, տակիդ ռաշին,
Նրա ոտին, պոչին, բաշին,*

Ու ցրվելով՝ հարբած հարսանքավորները
տարածում են ամեն տեղ, թե գալիս է

*Անհաղթ հերոս Բաջրն Նազար, Որ մին
զարկի՝ ջարդի հազար:*

**Պատմում են նրա զարմանալի
քաջագործությունները¹, նկարագրում են նրա
ահռելի կերպարանքը: Ու ամեն տեղ իրենց**

¹ Պատմում են նրա զարմանալի քաջագործությունները –
рассказывают о его удивительных подвигах.